

求恕齋
叢書

喪服鄭氏學

戊午孟夏

喪服鄭氏學

江苏工业学院图书馆
藏书章

藏書署



丧服郑氏学

二函
十四册

出版：文物出版社

北京五四大街29号

印装：韩营装订厂

北京大兴县

发行：新华书店北京发行所

一九八四年四月木版刷印

定价：一百二十三元

统一书号：17068·1247

南林劉氏
求恕齋刊

喪服鄭氏學序

天道至教聖人至德著在六經六經同歸其指在禮禮有五經本在喪服蓋天生烝民有物有則聖人承天之道以治人之情因人性所固有而利導之使尊卑貴賤長幼親疏外內合敬同愛以相生相養相保講信脩睦尙辭讓去爭奪萬物竝育而不相害以協乎天地之性是謂禮之大經自伏羲氏繼天立極作八卦別男女正夫婦定父子立君臣別人類於禽獸變草昧爲文明神農黃帝堯舜禹湯文武聖帝明王相繼世守其道而爲之節文以修身及家平均天下至周公而其制大備至

孔子而其義大明故易禮象也書禮政也詩樂禮情也
春秋禮法也孝經禮本也論語孟子禮微言大義也故
天經地義聖教王政備在六經而禮者六經之體也禮
之大目吉凶賓軍嘉見於周禮大宗伯所掌威儀三千
事爲之制曲爲之防彌綸天地經緯萬端而大義有五
以今十七篇考之士冠士喪旣夕士虞特牲少牢饋食
有司徹明父子之倫親親也士昏明夫婦之倫婦事舅
姑之禮男女有別以成親親也燕大射聘公食覲明君
臣之倫尊尊也鄉飲酒鄉射旅酬序齒明長幼之倫長
長也士相見明朋友之倫鄉飲鄉射興賢使能賢賢也

而喪服一篇三綱五倫一以貫之故曰親親也尊尊也
長長也男女有別此百世不可得與民變革者也天下
之達道五親親之殺尊賢之等禮所生也三代之學皆
所以明人倫冠昏喪祭聘覲射鄉倫理之至教愛敬之
精義總會於喪服故先王修身治天下之道在禮而喪
服者又禮之本也孔子論禮七十子記其義於喪服尤
詳卜子子夏親受聖旨作傳尊親大義與孝經春秋相
表裏漢世禮服爲專家學名賢傳述發揮綦詳鄭君集
諸儒大成注羣經三禮述先聖元意喪服之注尤爲孝
敬之準式彝倫之模範魏晉以後篡弑相仍淫昏成俗

而鄭門後學徧布海內儒者議禮釋服窮極精微是用
天秩人綱不墜於地孝義之行史不絕書唐興資以撥
亂興理宋賢由以繼往開來蓋鄭學之功於是爲大賈
氏承六朝章疏之學依注解經平實精確雖有小疵不
累大純朱子說禮篤守注疏論喪服尤推尊鄭君以爲
其說足以補經定制我

朝

列聖建中和之極太平德洽禮達於下

欽定三禮義疏以鄭氏康成爲主海內士林識所遵循
儒臣蔚起自 國初濟陽張氏創通禮經大義後江戴

金張褚淩胡鄭諸家傳業世精元弼束髮治禮不揆櫛
昧覃精研思且十年成禮經校釋時同年執友張君聞
遠同研是經以學問道德躬行實踐相助每有論著輒
相示具引校釋中厥後元弼旁涉他經別成禮經學七
卷纂疏長編至今未就而君沈研鑽極真積力久博稽
精思心知其意自大經大法以至一字一句靡不探索
窮源折衷至當平心以求其安反身以體其實專篤沈
潛無欲速意必之失孟子所謂深造之以道自得之而
居安資深者故其學爲精光緒戊申

朝廷立禮學館修

太清通禮君奉 徵命分編凶禮時世變已亟彝倫將
斁議者多欲變亂舊章君與先從兄君直及錢復初孝
廉援據大義力闢邪說以維天常塞逆源宣統辛亥書
成假旋猝遭大亂獨抱遺經廬墓而居攀柏哀號訴天
欲泣大懼周公孔子禮教從此墜地炎黃裔胄盡淪蹶
迹於是寫定舊稿厯數年成喪服鄭氏學以守先待後
君直從兄以語劉翰怡京卿京卿肅然起敬授之梓人
校刊既竣屬序於余余以爲此書囊括大典網羅眾家
刪裁繁誣刊改漏失精微廣大直與鄭注賈疏並重其
至理名言足以感發仁人孝子之心杜犯上作亂之漸

有功名教綱常世道人心至大翰怡京卿刊布以嘉惠
學子誠輔世翼教之盛心也傳曰苟非其人道不虛行
聞遠與翰怡皆忠孝人也惟聞遠爲能成此學惟翰怡
爲宜刊此書貧而樂道富而好禮相得益彰君子人與
君子人也書中引余校釋甚備間有數事異同蓋我兩
人講學實事求是絕無唯阿君所辯正如婦人不杖及
釋公羊仲嬰齊卒傳皆至確當余禮經學中已自駁之
惟父卒繼母嫁從爲之服余讀從字絕句據制服者言
本婦人從一而終之義君讀從爲之服四字爲句據服
者言本孝子不敢殊之義似可兩說並存然禮疑從厚

則君義爲尤善喪服雖止禮之一篇然自伏羲堯舜以
來人倫之教至周公而毫髮無遺憾者其大本具在於
是喪服明則禮明禮明則六經明而天經地義聖教王
政晦而可復明廢而可復舉則是書之所係爲何如哉
君與余治經一宗鄭君蓋鄭學博極淵深窮理盡性至
中至正永無流弊

世宗憲皇帝諭曰鄭康成醇粹深通大哉

皇言萬世定論學者非鄭卽亂經賊道之漸今日非聖
無法背逆君親蕩滅禮教糜爛生民之禍實自破壞鄭
學爲之厲階也傳曰以舊坊爲無所用而壞之者必有

水敗以舊禮爲無所用而去之者必有亂患壞國喪家
亡人必先去其禮而僭僞衰亂之世又多以私意變亂
服制唐之僞周明之姦臣張璠桂萼輩是也然自唐律
以來雖不能盡如先王之制而準服定律以刑弼教尊
親大分罔敢逾越雖有凶逆褻亂之徒猶顧名教憚王
法而不敢逞近十餘年前奇邪蠭起敗綱斁倫短喪廢
服忍心害理之說沸騰朝野縱舍盜賊殫殘聖法賊臣
篡子悍無忌憚哀我人斯遂罹莫大之禍孔子稱名不
正言不順則禮樂不興刑罰不中至於民無所措手足
悲夫易曰履霜堅冰至言辯之不可不早辯也又曰碩

果不食言經常之道賴君子而存乾坤所以不息也昔
孔子告魯哀公曰爲政先禮禮其政之本物恥足以振
之國恥足以興之喪服四制說高宗繼世卽位而慈良
於喪當此之時殷衰而復興禮廢而復舉是故亂之所
生惟禮可以已之君子反經而已矣經正則庶民興庶
民興斯無邪慝矣且此心此理中外皆同余往者友教
江漢之間與西國士大夫論及周孔倫理之教無不心
悅誠服況中國之人漸摩仁義數千年者哉今欲出天
下於水火而登之衽席拔萬萬生靈於獸蹄鳥迹之中
而返之人道遏殺機而全生理必自正人倫始正人倫

自講明禮服始元弼昔以粗識治禮途徑蒙

先帝特達之知

天恩高厚未答涓埃對越聖賢內省疚痛每歎聞遠之
守道艱貞與翰怡之執義誠篤爲不可及今覩是書之
行喜道之不墜而人心可正也謹推本聖作明述垂世
立教大義端拜而議之

宣統癸亥夏五月

賜進士出身

誥授中憲大夫禮學館顧問官翰林院編修加二級吳
縣曹元弼撰

直辭交志更王

立神大歸微莊而歸之

計喜能文不遷而人亦可五也論卦本聖神而此聖世

中數職員與師訓之序歸歸教為不可及今歸教書之

天恩濟車未答降吳諸葛聖貴內官及陳詳煥訓聖之

長帝神教之教之聖之聖之聖之聖之聖之聖之聖之聖之

自歸則聖教之聖之聖之聖之聖之聖之聖之聖之聖之

序

喪之有服所以表親親尊尊之等殺也服有六術以親
親尊尊爲之經以長幼出入名服從服爲之緯而人相
與羣居和壹之理備矣孟子曰聖人人倫之至也荀子
曰聖也者盡倫者也吾於喪服焉徵之自周公作經卜
氏作傳厥後石渠議禮於禮服爲詳馬季長於禮經中
獨爲此篇作注而高密鄭君徧注經記及周官經上契
周公之精誼下集諸儒之大成後儒皆推崇六朝諸儒
咸以禮爲鄭氏學無異辭也王肅作傳始攻鄭學然尙
爲私家著述至梁武帝議三母服始倍注而改制由是